



მუშათა და გლეხთა მთავრობის

კანონთა და განკარგულებათა კრებული

სახალხო კომისართა საბჭოს და ეკონომიკური საბჭოს
საშემთა მმართველობის გამოსცემა

1935 წ. აპრილის 10.

№ 9

მ. შ. ი. ს. ი.

შ ი ნ ა ა რ ს ი

სახელმწიფო წყობილება.

ვაკრობა. მომარაგება.

ზოგიერთ რაიონში ახალი სასოფლო
ების დაარსებისა და ადმინისტრაციულ-
ტერიტორიული გადაჯგუფების შესახებ.

47. საქართველოს სსრ-ში ვაკრობის მთლიანი
აღწერის ჩატარების შესახებ.

მიწა, ტყე, წყალი. სოფლის მეურნეობა.

48. კოლმეურნეობათა, კოლმეურნეთა და
მშრომელ ერთობიროვნულ მეურნეობათათვის
თამბაქოს თავისუფალი გაყიდვის ნებართვის
მიცემის შესახებ.

წ. 1935 წელს რამის კონტრაქტაციის ზღვ-
და რამის პლანტაციების და სანერგების
ინების ღონისძიებათა შესახებ კოლმეურნეო-
ბი.

49. 1935 წელს სახელმწიფოსათვის მატყლის
საველდებულო ჩაბარების შესახებ.

სახელმწიფო წყობილება

45. დადგენილება ც. ა. კ.

012.6

ზოგიერთ რაიონში ახალი სასოფლო საბჭოების დაარსებისა და ადმინისტრაციულ-ტერიტორიული გადაჯგუფების შესახებ.

სრულიად საქართველოს ცენტრალური აღმასრულებელი კომიტეტი
ყენს:

დაარსებულ იქნას შემდეგი ახალი სასოფლო საბჭოები და მოხდეს შე-
დეგი ადმინისტრაციულ-ტერიტორიული გადაჯგუფება ქვემოაღნიშნულ რაი-
ონებში:

ტფილისის რაიონში.

გამოეყოს მუხრანის სასოფლო საბჭოს სოფლები: ქსოვრისი, დაკვალა და ახალი ნემცები, და დაარსდეს ახალი სასოფლო საბჭო ცენტრით სოფელ ქსოვრისში.

გურჯაანის რაიონში.

გამოეყოს ჩალაუბნის სასოფლო საბჭოს სოფელი მელაანი, და დაარსდეს ამ სოფელში ცალკე სასოფლო საბჭო.

ლაგოდეხის რაიონში.

გამოეყოს აფენის სასოფლო საბჭოს სოფლები: გიორგეთი, ლაფნიანი, ფიჩხის ბოგირი და ვერხვის მინდორი, და დაარსდეს ახალი სასოფლო საბჭო ცენტრით სოფელ გიორგეთში.

წალკის რაიონში.

1) გამოეყოს წალკის სასოფლო საბჭოს სოფლები: ახალიქი და ნეონ-ნარაბა, და დაარსდეს ახალი სასოფლო საბჭო ცენტრით სოფელ ახალიქში;

2) გამოეყოს წალკის სასოფლო საბჭოს სოფელი ხადიქი და ბეშთაშენის სასოფლო საბჭოს სოფლები სანამერი და შიპიაკი, და დაარსდეს ცალკე სასოფლო საბჭო ცენტრით სოფელ სანამერში;

3) გამოეყოს გუნია-ყალის სასოფლო საბჭოს სოფლები: წინ-წყარო, დარაქეი და სანტა, და დაარსდეს ახალი სასოფლო საბჭო ცენტრით სოფელ წინ-წყაროში;

4) გამოეყოს კუშჩის სასოფლო საბჭოს სოფლები: ოზნი, ყიზილ-ქილისა და ბურნაშეთი და დაარსდეს ახალი საბჭო ცენტრით სოფელ ოზნაში;

5) გამოეყოს კუშჩის სასოფლო საბჭოს სოფლები: აიაზმა, ელდი-ქილისა და ნარდევანი, და დაარსდეს ახალი სასოფლო საბჭო ცენტრით სოფელ აიაზმაში.

ქასპის რაიონი.

1) გამოეყოს წითელქალაქის სასოფლო საბჭოს სოფლები: ერთაწმინდა და ცხავერი, და დაარსდეს ერთაწმინდის სასოფლო საბჭო ცენტრით სოფელ ერთაწმინდაში;

2) გამოეყოს ლამისყანის სასოფლო საბჭოს სოფლები: ოკამი და თემი, და დაარსდეს ახალი სასოფლო საბჭო ცენტრით სოფელ ოკამში.

გორის რაიონში.

1) გამოეყოს ტყეიავის სასოფლო საბჭოს სოფლები: ძევერა, ქიწნისი, შერთული და ქიწნისის საბჭოთა მეურნეობა, და დაარსდეს ახალი სასოფლო საბჭო ცენტრით სოფელ ძევერაში;

2) გამოეყოს მეჯვრის ხევის სასოფლო საბჭოს სოფლები: ახალ-უბანი, აძვი და შუმლაანთ-კარი, ზოლო ქვეშის სასოფლო საბჭოს სოფლები: ახრისი და ჯარიაშენი, და დაარსდეს ახალი სასოფლო საბჭო ცენტრით ახალ-უბანში.

ხ ა შ უ რ ი ს რ ა ი ო ნ შ ი .

1) გამოეყოს ღუდის სასოფლო საბჭოს სოფელი სარტყელა, რომელიც შეუერთდეს ღართის სასოფლო საბჭოს;

2) გამოეყოს გვერძინეთის სასოფლო საბჭოს სოფლები: აბუხალო, ტყემლოვანა, შუანო, მუნილეთი, ლოშკინეთი, და დაარსდეს ახალი სასოფლო საბჭო ცენტრით სოფელ მუხილეთში;

3) გამოეყოს წრომის სასოფლო საბჭოს სოფლები: ახალ-სოფელი, კულა-ტყე, სუქითი, ჯაგარაანთ-კარი და ოქროს სოფელი, და დაარსდეს ახალი სასოფლო საბჭო ცენტრით ახალსოფელში;

4) გამოეყოს რუისის სასოფლო საბჭოს სოფლები: ურბნისი და წინაუბანი, და დაარსდეს ახალი საბჭო ცენტრით სოფელ ურბნისში.

ბ ო რ ჯ ო მ ი ს რ ა ი ო ნ შ ი .

გამოეყოს გუჯარეთის სასოფლო საბჭოს სოფლები: მაქარ-წყალი, ღვთის-მშობელი, წინაუბანი, გვერდისუბანი და ოდეთი და დაარსდეს ახალი სასოფლო საბჭო ცენტრით სოფელ მაქარ-წყალში.

ა ს პ ი ნ დ ი ს რ ა ი ო ნ შ ი .

1) გამოეყოს ზველის სასოფლო საბჭოს სოფლები: ერკოტა და ვარნეთი, ზოლო ტოლოშის სასოფლო საბჭოს სოფელი დაღეში, და დაარსდეს ახალი სასოფლო საბჭო ცენტრით სოფელ ერკოტაში;

2) სოფელი ახაშენი გამოეყოს ზველის სასოფლო საბჭოს და შეუერთდეს ასპინძის სასოფლო საბჭოს.

ზ ე ს ტ ა ფ ო ნ ი ს რ ა ი ო ნ შ ი .

გამოეყოს ქვედა-სახანოს სასოფლო საბჭოს სოფელი, ზოვრეთი, და დაარსდეს ამ სოფელში ცალკე სასოფლო საბჭო.

ჩ ხ ა რ ი ს რ ა ი ო ნ შ ი .

1) გამოეყოს ალისუბნის სასოფლო საბჭოს სოფლები: ქვედა-ალისუბანი, ზედა-ალისუბანი 85 კომლი (ჯაბიძეების, დაღუნაშვილების, რომაქიძეების, კახიძეების და ბუტხრიკიძეების უბნები), რუფოთის 40 კომლი (მემანიშვილები და ბოჭორიშვილები), და დაარსდეს ახალი სასოფლო საბჭო ცენტრით სოფელ ქვედა-ალის-უბანში;

2) გამოეყოს სიმონეთის სასოფლო საბჭოს სოფელი ძვერი, ხოლო ჩხარის სასოფლო საბჭოს სოფელი ოქონა, და დაარსდეს ახალი სასოფლო საბჭო ძვერის სახელწოდებით, ცენტრით ძვერულას ხიდთან.

ქუთაისის რაიონში.

1) გამოეყოს წყალტუბოს სასოფლო საბჭოს სოფლები: თურნალი, გვიშტიბი, წყალტუბო და გუბისწყალი, და დაარსდეს ახალი სასოფლო საბჭო ცენტრით სოფელ გვიშტიბში;

2) გამოეყოს წყალტუბოს სასოფლო საბჭოს სოფელი ქვილიშორი და 30 კომლი სოფელ ჩუნეშიდან, ცხუნკურის სასოფლო საბჭოს—სოფელ ყუმისთავის ნაწილი 30 კომლი, ნამახვანის სასოფლო საბჭოს სოფელი მელიოური, და დაარსდეს ახალი საბჭო ცენტრით სოფელ ქვილიშორში;

3) გამოეყოს წყალტუბოს სასოფლო საბჭოს სოფელ წყალტუბოს ნაწილი 40 კომლი, რომელიც მდებარეობს გვიმბრის სასოფლო საბჭოს ტერიტორიაზე, და შეუერთდეს გვიმბრის სასოფლო საბჭოს;

4) გამოეყოს პატრიკეთის სასოფლო საბჭოს სოფელი გეგუთი და გეგუთის კომუნა, და დაარსდეს ახალი სასოფლო საბჭო ცენტრით სოფელ გეგუთში;

5) გამოეყოს პატრიკეთის სასოფლო საბჭოს სოფელი ტყაჩორი, და დაარსდეს ამ სოფელში ახალი სასოფლო საბჭო ცენტრით საშუალო ადგილას;

6) გამოეყოს ჭოგნარის სასოფლო საბჭოს სოფლები: კვახჭირი, ოდილაური, სარბევი და რიონის სადგური, და დაარსდეს ახალი სასოფლო საბჭო ცენტრით სოფ. კვახჭირში;

7) გამოეყოს გოდოგანის სასოფლო საბჭოს სოფლები: ნაგარევი, ქალასთავი და ბროლიქეთი, და დაარსდეს ახალი სასოფლო საბჭო ცენტრით სოფელ ნაგარევიში;

8) გამოეყოს ტყებულის რაიონს დღნორისის სასოფლო საბჭო, რომელიც მთელი თავისი მოსახლეობით, ტერიტორიით და სოფლებით შეერთებულ იქნას ქუთაისის საქალაქო საბჭოსთან.

ტყებულის რაიონში.

გამოეყოს გურნის სასოფლო საბჭოს სოფლები: სოჩხეთი და წყნორი, და დაარსდეს ცალკე სასოფლო საბჭო ცენტრით სოფელ სოჩხეთში.

ხონის რაიონში.

გამოეყოს ნახახულევის სასოფლო საბჭოს სოფლები: კონტუათი და წითელი ვარსკვლავი და ქალაქ ხონის მე-IV უბანს—130 კომლი, და დაარსდეს ახალი სასოფლო საბჭო ცენტრით შუა ადგილას, კონტუათის სასოფლო საბჭოს სახელწოდებით.



ვანის რაიონში.

1) გამოეყოს შუამთის სასოფლო საბჭოს სოფლები: ჭყვიში, ჭაგან-ჭყუშური და მთისძირ-ჭყუშური, და დაარსდეს ახალი სასოფლო საბჭო ცენტრით სოფელ მთისძირ-ჭყუშურში;

2) გამოეყოს ფერეთას სასოფლო საბჭოს სოფლები: ბობოთი, ბაიგინეთი და ზედა-ფერეთას ნაწილი 140 კომლი, და დაარსდეს ახალი სასოფლო საბჭო ცენტრით სოფელ ზედა-ფერეთაში;

3) გამოეყოს ბზვანის სასოფლო საბჭოს სოფელი ზედა-ბზვანი და ამალ-ლების სასოფლო საბჭოს სოფელი ამალლების ნაწილი 45 კომლი, და დაარსდეს ახალი სასოფლო საბჭო ცენტრით სოფელ ზედა-ბზვანში.

ენუქიძის რაიონში.

გამოეყოს სხვაგვარი სასოფლო საბჭოს სოფელი ფუტიეთი, და დაარსდეს ამ სოფელში ცალკე სასოფლო საბჭო.

ცაგერის რაიონში.

1) გაუქმდეს მახაშის სასოფლო საბჭო, და ამ საბჭოში შეშავალი სოფელი მახაში შეუერთდეს დენფორის სასოფლო საბჭოს;

2) გამოეყოს ცაგერის სასოფლო საბჭოს სოფელი ჩხუტელი და დეხვირის სასოფლო საბჭოს სოფელი ლახანა, და დაარსდეს ახალი სასოფლო საბჭო ცენტრით სოფელ ჩხუტელში.

მარტვილის რაიონში.

გამოეყოს დიდი კყონის სასოფლო საბჭოს სოფლები: ტალური, ეწერი და ოჩე, ხოლო სალხინოს სასოფლო საბჭოს სოფელი ნობულევი, და დაარსდეს ახალი საბჭო ცენტრით სოფელ ტალურში.

ქვემო-სვანეთის რაიონში.

1) გამოეყოს ლაშხეთის სასოფლო საბჭოს სოფლები: ჩინარეში, შქედი, ნაკული, მარგვიში, ლობი, მეღე და მახაში, და დაარსდეს ახალი სასოფლო საბჭო ცენტრით სოფელ ჩინარეში;

2) გამოეყოს ლაშხეთის სასოფლო საბჭოს სოფლები: სასაში, ლუჯი და კველდი, და დაარსდეს ახალი საბჭო ცენტრით სოფელ სასაში;

3) ლაშხეთის სასოფლო საბჭოს ეწოდეს ჯახუნდორის სასოფლო საბჭო.

სრ. საქ. ც.ა.კ.-ის თავმჯდომარე ფ. მახარაძე.

სრ. საქ. ც.ა.კ.-ის მდივნის მაგ. თ. ფლენტი.

1935 წ. თებერვლის 20.

ტფილისი.



მიწა, ტყე, წყალი. სოფლის მეურნეობა

46. დადგენილება ს.კ.ს.

„1935 წელს რამის კონტრაქტაციის გეგმის და რამის პლანტაციების და ხანერგების გაშენების ღონისძიებათა შესახებ კოლმეურნეობებში.

თანხმად აკტფსრ-ის სახალხო კომისართა საბჭოს 1935 წ. მარტის 3-ის დადგენილებისა 1935 წ. რამის კონტრაქტაციის გეგმისა და რამის პლანტაციების და ხანერგების გაშენების ღონისძიებათა შესახებ კოლმეურნეობებში, საქართველოს სსრ სახალხო კომისართა საბჭო აღდგენს:

ა. 1935 წელში გასაშენებელი რამის პლანტაციების კონტრაქტაცია .

1. დამტკიცებულ იქნას 1935 წლის რამის საგაზაფხულო ნარგავების კონტრაქტაციის გეგმა 313 ჰექტარის რაოდენობით (მთლიანად საკოლმეურნეო სექტორში) რამის ნედლი ღეროების დაკონტრაქტებულ პლანტაციებიდან მთელი მოსავლის (მწვანე, ახლად მოჭრილის) ჩაბარებით, მხოლოდ არა ნაკლებ:

5 ტონისა—დარგვის მეორე წელს (1936 წელში) ერთ ჰექტარიდან

10 „ დარგვის მესამე წელს (1937 წელში) „ „

20 „ დარგვის მეოთხე და შემდეგ წლებში (1938 და შემდეგ წლებში).

2. რამის საგაზაფხულო ნარგავების გეგმა რაიონებს შორის განაწილებულ იქნას შემდეგნაირად:

1) აფხაზეთი (გალის რ.)	30 ჰექტ.
2) ზუგდიდის რაიონი	15 „
3) ხობის „	40 „
4) სენაკის „	59 „
5) აბაშის „	65 „
6) სამტრედიის „	25 „
7) ხონის „	20 „
8) ვანის „	26 „
9) ქუთაისის „	33 „

სულ 313 ჰექტ.

3. რამის ნარგავების კონტრაქტაციის ჩატარება, გრძელვადიანი ფულადი ავანსების გაცემა, სარგავი მასალის დარიგება, რამის აგროწესების შესრულების კონტროლი და რამის ღეროების დამზადება-გადამუშავება დაეკისროს საკავშირო ტრესტს „საქ. რამს“, რომელიც ამ სამუშაოს ატარებს სარაიონო კონტორების მეშვეობით.

წინადადება მიეცეს „საქ. რამს“ დაუყოვნებლივ შეუდგეს ყველა რაიონში სარაიონო კონტორების დაარსებას.

4. რამის ნარგავების კონტრაქტაციის დამთავრების ვადად დაწესდეს ა/წ. 20 მარტი.

5. დაევალოს საკავშირო ტრესტს „საქ. რამს“ უზრუნველყოს რამის კონტრაქტანტებისათვის თავის დროზე უფასო ვარგისი სანერგე მასალის მიწოდება.

6. სსრ კავშირის შრომისა და თავდაცვის საბჭოს 1935 წლის იანვრის 27-ის და 74 №-ის და ა/კსფრ-ის სახალხო კომისართა საბჭოს 1935 წ. მარტის 3-ის № 68 დადგენილებათა შესაბამისად, დაწესდეს 1935 წლის გაზაფხულის ნარგავზე, საკონტრაქტაციო ფულადი ავანსი თვითეულ დაკონტრაქტებულ ჰექტარზე შემდეგი რაოდენობით:

დარგვის პირველ წელიწადს—	2500 მანეთი
„ მეორე „	— 1500 „
„ მესამე „	— 500 „
სულ	4500 მანეთი

გაცემული ავანსები, კონტრაქტანტების მიერ დაიფაროს მეოთხე წლიდან, სამი წლის განმავლობაში თანაბარ ნაწილებად.

7. ავანსები გაიცეს შემდეგ ვადებში:

ა) დარგვის პირველ წელიწადს ერთ ჰექტარზე:

600 მანეთი—მარტში—საკონტრაქტაციო ხელშეკრულების ხელის მოწერის დროს, მათ შორის: 200 მანეთი—მიწის მოსამზადებლად და წყალგამტარ არხების გასაყვანად; 100 მანეთი—დასარგავად, 100 მანეთი—მინერალური სასუქის გამოსაყიდად და 200 მანეთი ღობისათვის;

500 მანეთი—მაისში—ღობის გაკეთებისა და პლანტაციის დარგვის შემოწმების შემდეგ;

600 მანეთი—ივნისში—მეორე გათოხვნის შემდეგ; მათ შორის 200 მანეთი—პირველი გათოხვნისათვის, 200 მანეთი—მეორე გათოხვნისათვის, 100 მანეთი—მინერალური სასუქის შეტანისათვის და 100 მანეთი—პლანტაციის რემონტისათვის ზაფხულის პერიოდში;

800 მანეთი—ოქტომბერში—მეოთხე გათოხნის შემდეგ; მათ შორის: 200 მანეთი—მესამე გათოხვნისათვის, 200 მანეთი—მეოთხე გათოხვნისათვის და 400 მანეთი—ზამთრის პერიოდში პლანტაციების მოვლისათვის, წყალგამტარი და საწრეტი თხრილების ამოწმებისათვის და ღობეების შეკეთებისათვის.

სულ 2.500 მანეთი.

ბ) დარგვის მეორე წელიწადს:

500 მანეთი—მარტში—პლანტაციის მდგომარეობის, თხრილების და ღობეების შემოწმების შემდეგ, მათ შორის: 400 მანეთი—წყალგამტარი და საწრეტი თხრილების ამოწმებისათვის და ღობეების შეკეთებისათვის და 100 მანეთი—მინერალური სასუქის გამოსაყიდად;

600 მანეთი—მაისში—მეორე გათოხნის შემდეგ; მათ შორის: 200 მანეთი—პირველი გათოხვნისათვის; 200 მანეთი—მეორე გათოხვნისათვის, 100



მანეთი—პლანტაციის რემონტისათვის ზაფხულის პერიოდში და 100 მანეთი—მინერალური სასუქის შეტანისათვის;

400 მანეთი—ოქტომბერში—მეოთხე გათოხვნის შემდეგ; მათ შორის: 100 მანეთი—მესამე გათოხვნისათვის, 100 მანეთი—მეოთხე გათოხვნისათვის და 200 მანეთი—ზამთრის პერიოდში პლანტაციის მოვლისათვის; სულ 1500 მანეთი.

გ) დარგვის მესამე წელიწადს:

300 მანეთი—მარტში—პლანტაციის მდგომარეობის, თბილეების და ღობეების შემოწმების შემდეგ, მათ შორის: 200 მანეთი—წყალ-გამტარ და საწრეტი თბილეების ამოწმენდისათვის და ღობეების შეკეთებისათვის და 100 მანეთი—მინერალური სასუქის გამოსასყიდად;

200 მანეთი—აპრილში—მათ შორის: 100 მანეთი მინერალური სასუქის შესატანად და 100 მანეთი—პირველი გათოხვნისათვის.

სულ 500 მანეთი.

შენიშვნა. ამა დადგენილების მე-7 პუნქტით გათვალისწინებული ავანსების გაცემა უნდა სწარმოებდეს შესრულებული სამუშაოების მიხედვით, სამანქანო-სატრაქტორო სადგური (ან მიწვანის) და „საქ. რამის“ სარაიონო კონტორის მიერ გაცემული ცნობების საფუძველზე.

8. 1935 წლის რამის ნარგავის (313 ჰექტარის) კონტრაქტაციის საერთო საკრედიტო თანხა განისაზღვროს 782.500 მანეთით, შემდეგ ვალებზე გაცემით:

პირველ კვარტალში—	600 მანეთი ერთ ჰექტარზე	სულ	187.800 მან.
მეორე	„ — 500 „ „	სულ	156.500 „
მესამე	„ — 600 „ „	სულ	187.800 „
მეოთხე	„ — 800 „ „	სულ	250.400 „
		<u>სულ</u>	<u>782.500 „</u>

ბ) 1934 და წინა წლებში გაშენებული რამის პლანტაციების კონტრაქტაცია.

9. 1934 და წინა წლებში გაშენებული გამეჩხერებული პლანტაციების რემონტის აუცილებლობის გამო, წინადადება მიეცეს საკავშირო ტრესტს „საქ. რამს“ გადააფორმოს რამის კონტრაქტანტებთან გასულ წლებში დადებული ხელშეკრულებები 208.6 ჰექტარ ფართობზე, რაც მიღებულ იქნება პლანტაციების შეკავშირების (რემონტის) შემდეგ.

10. წინა წლებში გაშენებულ რამის პლანტაციებზედ ავანსის გაცემა უნდა სწარმოებდეს სსრ კავშირის შრომისა და თავდაცვის საბჭოს 1935 წლის იანვრის 27-ის და ა/კსფსრ-ის სახალხო კომისართა საბჭოს 1935 წლ. მარტის 3-ის და 68 №-ი დადგენილებათა მიხედვით, სახელდობრ: ორწლიან პლანტაციებზე (1934 წ.) 1500 მანეთი, სამწლიან პლანტაციებზე (1933 წ. და 1932 წ. გასარემონტებელ პლანტაციების ნაწილი)—500 მანეთი ჰექტარზე. ამასთანავე ეს ავანსები და აგრეთვე წინა წლებში გაცემული ავანსები კონტრაქტანტების მიერ

დაფარულ იქნეს 1937 წლიდან, სამი წლის განმავლობაში თანასწორ ღირებულებად.

11. 1934 წ. და წინა წლებში გაშენებულ რამის პლანტაციების კონტრაქტაციის საერთო საკრედიტო თანხა განისაზღვროს 155,750 მანეთით, შემდეგ ვადებზე გაცემით:

ა) ორწლიან პლანტაციებზე — (1934 წ.) — (5⁶,7 ჰექტ.):

პირველ კვარტალში 500 მანეთი ერთ ჰექტარზე	სულ	28.350 მ.
მეორე კვარტალში 600 მანეთი	„	„ 34.020 მ.
მეოთხე კვარტალში 400 მანეთი	„	„ 22.680 მ.
	სულ	85.050 მ.

ბ) სამწლიან პლანტაციებზე (1933 წლის პლანტაციები და 1932 წ. პლანტაციების გასარემონტებელ ნაწილი) — (141,4 ჰექტ.)

პირველ კვარტალში 300 მანეთი ერთ ჰექტარზე	სულ	42.420 მან.
მეორე კვარტალში 200 მანეთი	„	„ 28.280 „
	სულ	70.700 „

შენიშვნა. 1932 წლის პლანტაციებზე (10,5 ჰექტ.), რომლებიც არ საკიროებენ რემონტს, ავანსების გაცემა არ სწარმოებს.

გ) რამის სანერგეების კონტრაქტაცია.

12. მომავალ წელში პლანტაციების გასაშენებლად, სარგავი მასალით უზრუნველყოფის მიზნით, დაწესდეს რამის სანერგეების კონტრაქტაციის გეგმა საკოლმეურნეო სექტორში 1935 წელს 15 ჰექტარის რაოდენობით, იმ ანგარიშით, რომ 1936 წლის გაზაფხულზე დამზადდეს 15 მილიონი ცალი ნერგი. სანერგეების გეგმა რაიონებს შორის განაწილდეს შემდეგნაირად:

- 1) აფხაზეთი (გალის რ.) 2 ჰექტარი
- 2) ხობის რაიონი 1 „
- 3) სენაკის „ 3,5 „
- 4) აბაშის „ 4,5 „
- 5) სამტრედიის 1 „
- 6) ხონის „ 1 „
- 7) ვანის „ 1 „
- 8) ქუთაისის „ 1 „

სულ . . . 15 ჰექტარი

13. ვინაიდან 1936 წლის გაზაფხულზე თვითეულ ჰექტარიდან ერთი მილიონი დასარგავად ვარგისი ნერგის მისაღებად დაჩითილებულ უნდა იქნას ორი მილიონი ცალი თვითეულ ჰექტარზე, დაწესდეს რამის სანერგისათვის დაავანსების შემდეგი ნორმები:



- 1 მანეთი თვითეულ 1.000 ცალ დაკონტრაქტებულ ნერგზე—1935 წ. მარტში—
ნიადაგის მოსამზადებლად და დასათესად.
- 6 მანეთი თვითეულ 1.000 ცალ დაკონტრაქტებულ ნერგზე (ე. ი. ყოველ 2.000
ცალ დაჩითილებულ ნერგზე)—მაისში-ივლისში.
- 3 მანეთი თვითეულ 1.000 ცალ დაკონტრაქტებულ ნერგზე (ე. ი. ყოველ 1350
ცალ მიმართულ და ზამთრის პერიოდში შესანახ ნერგზე)—ოქტომ-
ბერში.

14. სანერგეების კონტრაქტაციის საერთო საკრედიტო თანხა 1935 წელ-
ში განისაზღვროს 150.000 მანეთით, რაც გაიცეს შემდეგ ვადებში:

პირველ	კვარტალში	—15.000	მანეთი
მეორე	„	—37.000	„
მესამე	„	—60.000	„
მეოთხე	„	—45.000	„
სულ		150.000	„

15. სანერგეებზე გაცემული კრედიტების დაფარვა მოხდეს 1936 წელში
„საქ. რამის“ ტრესტზე ჩაბარებული ნერგის საფასურიდან.

დ. კონტრაქტაციის საერთო პირობები.

16. ყველა სახის პლანტაციებისათვის და სანერგეებისათვის საერთო ფუ-
ლადი დაავანსების თანხა 1935 წელში განისაზღვროს 1.088.250 მანეთით, შე-
მდეგ ვადებში გაცემით:

პირველი	კვარტალი	—273.500	მანეთი
მეორე	„	—248.800	„
მესამე	„	—247.800	„
მეოთხე	„	—318.080	„

სულ 1.088.250 მანეთი

17. დაევალოს სასოფლო-სამეურნეო ბანკის საქართველოს კონტორას
უზრუნველყოს ფულადი ავანსების დროულად გაცემა იმ რაოდენობით და ვა-
დებში, რაც გათვალისწინებულია ამა დადგენილებით.

18. სსრ კავშირის შრომისა და თავდაცვის საბჭოს 1935 წლის იანვრის
27-ის და 74 №-ის და ა/ს/ფსრ-ის სახალხო კომისართა საბჭოს 1935 წლის
მარტის 3-ის და 68 №-ის დადგენილებათა მიხედვით, დაწესდეს თვითეულ ტო-
ნა რამის მწვანე (ახლად მოჭრილ) ღეროებზე დასამზადებელი ფასი 190 მანეთი
და 800 მანეთი—გამხმარ ღეროებზე, იმ ვარაუდით, რომ ამ უკანასკნელის ჩა-
ბარების რაოდენობა არ აღემატებოდეს რამის საერთო დამზადების გეგმის
20%-ს.

19. დაწესდეს კოლმეურნეობის მიერ ჩაბარებულ, დასარგავად სრულიად
ვარგის ნერგზე, დასამზადებელი ფასი ყოველ ერთ ცალზე 1,5 კაპიკი.

20. აგრო-მომსახურეობა და აგრო-ლონისძიებათა ჩატარება ყველა სახალხო-საბჭოებში და სანერგებზე, სამანქანო-სატრაქტორო სადგურების სამოქმედო რაიონებში დაეკისროს სამანქანო-სატრაქტორო სადგურებს, დანარჩენ რაიონებში-კი—სარაიონო მიწათმოქმედების განყოფილებებს.

აგრო-მეთვალყურეობა და კონტროლი პლანტაციებში და სანერგებებში მუშაობების სისწორით ჩატარებისათვის და კონტრაქტანტების მიერ აგრო-წესების დაცვისათვის დაეკისროს საკავშირო ტრესტს „საქ. რამს“.

21. საქართველოს სსრ მიწათმოქმედების სახალხო კომისარიატმა უნდა უზრუნველყოს რამის დაკონტრაქტებულ პლანტაციებზე და სანერგებებზე ყველა სეზონური სამუშაოს (დარგვა, რემონტი და პლანტაციების მოვლა ზაფხულის და ზამთრის პერიოდში) თავის დროზე ჩატარება აგროწესებით გათვალისწინებულ ვადებზე, რისთვისაც დაავალოს სამანქანო-სატრაქტორო სადგურებს და სარაიონო მიწათმოქმედების განყოფილებებს წარმოუდგინონ მას ყოველთვიური საანგარიშო ცნობები საწარმოო სამუშაოების შესრულების შესახებ.

22. წინადადება მიეცეს საკავშირო ტრესტს „საქ. რამს“ ყოველ ხუთ დღეში წარუდგინოს დამზადებათა კომიტეტის რწმუნებულს საქ. სსრ-ში ცნობები რამის კონტრაქტაციის მსვლელობის შესახებ.

საქ. სსრ ს.კ.ს-ოს თავმჯდომარის მოადგ. ბ. შიგვანი.

საქ. სსრ ს.კ.ს-ოს საქმეთა მმართველი ა. ქავთარაძე.

1935 წ. მარტის 9. № 315.

ტფილისი.

გამოქვეყნებულია გაზ. „კომუნისტის“ 60 №-ში 1935 წ. მარტის 11.

ვაჭრობა. მომარაგება.

47. დადგენილება ს.კ.ს

საქართველოს სსრ-ში ვაჭრობის მთლიანი აღწერის ჩატარების შესახებ.

„1935 წ. სავაჭრო აღწერის ჩატარების შესახებ“ გამოცემული სსრ კავშირის 1934 წლის ნოემბრის 1-ის დადგენილების შესაბამისად, საქართველოს სსრ სახალხო კომისარიატს დაეკისროს ვაჭრობის აღწერის დადგენა:

1. დაევალოს საქართველოს სახალხო-სამეურნეო აღწერის სამმართველოს ჩაატაროს მთლად საქართველოს სსრ ტერიტორიაზე სავაჭრო საწარმოებისა და მათი კადრების მთლიანი აღწერა.

2. აღწერამ უნდა გარემოიცვას ყველა სახელმწიფოებრივი, კოოპერატიული, საზოგადოებრივი და კერძო საბითუმო და საცალო სავაჭრო საწარმოები და ორგანიზაციები.

3. დაევალოს ყველა სარესპუბლიკო და სარაიონო სავაჭრო ორგანიზაციას ჩაატაროს აღწერისათვის მოსამზადებელი მუშაობა თანახმად საქართველოს სახალხო-სამეურნეო აღრიცხვის სამმართველოს ინსტრუქციისა და პროგრამისა, ისეთი ვარაუდით, რომ ა.წ. აპრილის 15-ისათვის უკვე მზად იყოს 1935 წ. 1-ლი კვარტალის ანგარიშები დამტკიცებული ფორმების მიხედვით.

4. დაევალოს ყველა სავაჭრო ორგანიზაციას დაუგზავნოს მის ქვემდებარე ორგანიზაციებს და თავის ქსელს სათანადო ცირკულარული განკარგულებანი და დაუბრკოლებლად მიაწოდოს საქართველოს სახალხო სამეურნეო აღრიცხვის ორგანოებს აღწერისათვის საჭირო ყველა ცნობა.

5. აღწერის ფორმულარების შევსება ევალემა საწარმოთა ხელმძღვანელებს (მალაზიების დირექტორებს და სხვ.) ან მათ მიერ ამ მიზნისათვის გამოყოფილ სპეციალურ პირს.

6. მთელი პასუხისმგებლობა აღწერის ფორმულარების სწორედ შედგენისათვის და ვადაზე წარმოდგენისათვის ეკისრება ორგანიზაციების დირექტორებს, კონტორების, საგამსაღებლო ბაზებისა და მალაზიების გამგეებს.

7. ყველა სავაჭრო ორგანიზაცია ვალდებულია საქართველოს სახალხო-სამეურნეო აღრიცხვის სამმართველოს მოთხოვნისთანავე გადასცეს ამ უკანასკნელის განკარგულებაში აღწერის მთელი დროის განმავლობაში აღწერისათვის აუცილებელი კადრები, სამუშაო ხელფასის შენახვით.

8. წინადადება მიეცეს სარაიონო აღმასრულებელ კომიტეტებს, საქალაქო და სასოფლო საბჭოებს ყოველმხრივი დახმარება აღმოუჩინონ საქართველოს სახალხო-სამეურნეო აღწერის ორგანოებს აღწერის ჩატარების საქმეში, კერძოდ, დაუბრკოლებლად მისცენ აღწერის მომუშავეებს მიმოსვლის საშუალებანი.

9. წინადადება მიეცეს ავტონომიური რესპუბლიკებისა და ავტონომიური ოლქის ცენტრალურ აღმასრულებელ კომიტეტებს, სარაიონო აღმასრულებელ კომიტეტებს, და საქალაქო საბჭოებს იხმარონ ღონისძიებანი ამა დადგენილების ცხოვრებაში გატარებისათვის.

საქ. სსრ ს.კ.ს-ის თავმჯდომარის მოადგ. ბ. მღვანეი.

საქ. სსრ ს.კ.ს-ის საქმეთა მმართველი ა. ქავთარაძე.

1935 წ. მარტის 8. № 310.

ტფილისი.

48. დადგენილება

კოლმეურნეობათა, კოლმეურნეთა და მშრომელ ერთპიროვნულ მეურნეობათათვის თავბაქოს თავისუფალი გაყიდვის ნებართვის მიცემის შესახებ.

„1934 წელს თავბაქოს და წეკოს ჩათვისის ფართობებისა და ამ კულტურების სავალდებულო სახელმწიფოებრივი კონტრაქტაციის გეგმის შესახებ“ გამოცემული სსრ კავშირის სახალხო კომისართა საბჭოს 1934 წ. იანვრის 25-ის

დადგენილების (სსრ. კან. კრ. 1934 წ. № 7, მუხ. 50) მე-7 მუხლის შესაბამისად და „საქართველოსა და სომხეთში თამბაქოს თავისუფალი გაყიდვის შესახებ“ გამოცემული სსრ კავშირის სახალხო კომისართა საბჭოსთან არსებული სასოფლო-სამეურნეო პროდუქტების დამზადებათა კომიტეტის 1935 წ. თებერვლის 20-ის დადგენილებასთან დაკავშირებით, საქართველოს სსრ სახალხო კომისართა საბჭო ადგენს:

1. საქართველოში თამბაქოს ნედლეულის დამზადების სახელმწიფო გეგმების შესრულების გამო, ნება დაერთოს საქართველოს (უაფხაზეთოდ) კოლმეურნეობებს, კოლმეურნეებს და მშრომელ ერთპიროვნულ მეურნეობებს, რომელთაც შეასრულებს თამბაქოს ჩაბარების საკონტრაქტაციო ვალდებულებანი, თავისუფლად გაყიდონ ზედმეტი თამბაქო, როგორც ფოთლოვანი, ისე დაქრილი სახით, ყველა ადგილობრივ ბაზარზე, რკინის გზის სადგურზე და ნავთსადგურზე, უკეთეს თამბაქოს მიტანა გაყიდვის ადგილთან დაკავშირებული არ არის რკინის გზით ან წყალსაყალი გზით გადაზიდვასთან.

2. კოლმეურნეობებს, კოლმეურნეებს და მშრომელ ერთპიროვნულ მეურნეობებს შეუძლიათ გაყიდონ თამბაქო აღნიშნულ ადგილებზე მხოლოდ მაშინ, უკეთეს მათ საკონტრაქტაციო წიგნაკებში „სოიუზტაბაკსირიოს“ საქართველოს კონტორის მიერ აღნიშნული იქნება, რომ მათ შესრულებული აქვთ საკონტრაქტაციო ვალდებულება.

საქ. ს.ს.რ. ს.კ.ს-ის თავმჯდომარის მოადგ. ბ. მდივანი.

საქ. ს.ს.რ. ს.კ.ს-ის საქმეთა მმართველი ა. ქავთარაძე.

1935 წ. მარტის 3. № 264.

ტფილისი.

გამოქვეყნებულია გაზ. „კომუნისტის“ 54 №-ში, 1935 წ. მარტის 4.

49. დადგენილება ს.კ.ს.

1935 წელს სახელმწიფოსათვის მატყლის სავალდებულო ჩაბარების შესახებ.

„1935 წელს სახელმწიფოსათვის მატყლის სავალდებულო ჩაბარების“ თაობაზე გამოცემული სსრ კავშირის სახალხო კომისართა საბჭოს 1935 წ. თებერვლის 23-ისა და ა/კსფსრ-ის სახალხო კომისართა საბჭოს 1935 წ. მარტის 7-ის დადგენილებების („იზვესტია“ 1935 წ. თებერვლის 24-ისა, № 49 „ზარია ვოსტოკა“ 1935 წ. მარტის 9-ისა, № 57) შესაბამისად, საქართველოს სსრ სახალხო კომისართა საბჭო ადგენს:

1. დაწესებულ იქნა 1935 წლისათვის ერთპიროვნულ საგლეხო მეურნეობათა მიერ სახელმწიფოსათვის ცხვრისა და თხის მქისე მატყლის (საგაზაფხულო და საშემოდგომო მატყლზე განუყოფლად) სავალდებულო, გადასახადის ძალის მქონე, ჩაბარების ქვემომდევნო საშუალო ნორმები აფხაზეთის ავტონო-



მიური სსრ-ისა, აჭარისტანის ავტონომიური სსრ-ისა და სამხრეთ ოსეთის ავტონომიური ოლქისათვის და მტკიცე ნორმები—საქართველოს სსრ დანარჩენი რაიონებისათვის, დადგენილი სახელმწიფოებრივი ფასების კვალობაზე (გრამობით თვითეულ სულ საქონელზე):

რ ა ი ო ნ ე ბ ი	ცხვრის მატყლი	თხის მატ- ყლი	რ ა ი ო ნ ე ბ ი	ცხვრის მატყლი	თხის მატ- ყლი
1. ტფილისის	1350	250	16. ბაშკირეთის	1350	250
2. დუშეთის	1250	—	17. ვასპის	1150	250
3. ყაზბეგის	1300	—	18. გორის	1150	250
4. თიანეთის	1200	250	19. სტალინისის	1150	250
5. თელავის	1300	250	20. ბორჯომის	1150	250
6. გურჯაანის	1350	250	21. ახალციხის	650	250
7. ყვარლის	1250	250	22. ადიგენის	600	250
8. ლაგოდეხის	1150	250	23. ასპინძის	600	250
9. სიღნაღის	1350	250	24. ახალქალაქის	1000	250
10. საგარეჯოს	1350	250	25. ბოგდანოვკის	1000	250
11. აღბულახ-მანგლისის .	1150	250	26. წალენჯიხის	750	—
12. წალკის	1200	250	27. აფხაზეთის ასსრ	850	—
13. ყარაიას	1400	250	28. აჭარისტანის ასსრ	650	—
14. ბორჩალოს	1400	250	28. სამხ.-ოსეთის ავტ.ოლქი	1200	250
15. ლუქსემბურგის	1200	250			

2. დაწესებულ იქნას 1935 წლისათვის მთელი საქართველოს სსრ-ში ერთ-პიროვნულ მეურნეობათა მიერ წმინდა ოცდათერთმეტ პროცენტ გამოსავლიანი შატყლის ჩაბარების ნორმა (თვითეულ სულ საქონელზე) 3.800 გრამის რაოდენობით.

3. დაწესებულ იქნას 1935 წლისათვის ყველა საკოლმეურნეო კომლების მიერ სახელმწიფოსათვის შატყლის სავალდებულო ჩაბარების ნორმები 10%-ით ნაკლები ერთპიროვნულ საგლეხო მეურნეობათათვის დაწესებულ ნორმებზე (ამა დადგენილების 1-ლი მუხლი).

4. მიეცეს იმ კოლმეურნეობათა წევრებს, რომელთაც აქვთ მესაქონლეობის სასაქონლო ფერმები, 1935 წელს სახელმწიფოსათვის შატყლის ჩაბარებაში შეღავათი კოლმეურნეთათვის დაწესებული ნორმების მონაკლების სახით, ფერმის მიერ სახელმწიფოსათვის ჩასაბარებელი შატყლის 20%-ის რაოდენობით, ამ მონაკლების ჩათვლით კოლმეურნეთა პირადი ვალდებულებების შესრულებაში.

5. დაწესებულ იქნას მეცხვარეობის სასაქონლო ფერმებისათვის და კოლმეურნეობათა განსაზოგადოებული ფარისათვის სახელმწიფოსათვის ცხვრის მკისე შატყლის (გაზაფხულისა და შემოდგომის ერთად), ბატკნისა და თხის შატყლის

სავალდებულო, გადასახადის ძალის მქონე, ჩაბარების შემდეგი ნორმები (გრამობით თითოეულ სულ საქონელზე):

რ ა ი ნ ე ბ ი	ცხვარი	თხის	რ ა ი ნ ე ბ ი	ცხვარი	თხის		
1. ტფილისის	1600	50	400	14. ლუქსემბურგის	1600	50	400
2. დუშეთის	1650	50	—	15. ბაშკიჩეთის	1700	50	400
3. ყაზბეგის	1650	50	—	16. კასპის	1350	50	400
4. თიანეთის	1450	50	400	17. გორის	1350	50	400
5. თელავის	1550	50	400	18. სტალინისის	1350	50	400
6. გურჯაანის	1600	50	400	19. ბორჯომის	1400	50	400
7. ყვარლის	1500	50	400	20. ახალციხის	750	50	400
8. სიღნაღის	1600	50	400	21. ასპინძის	650	50	400
9. საგარეჯოს	1600	50	400	22. ახალქალაქის	1250	50	400
10. აღბულახ-მანგლისის	1550	50	400	23. ბოგდანოვკის	1300	50	400
11. წალკის	1550	50	400	24. წალენჯიხის	1000	50	400
12. ყარაიას	1700	50	400	25. სამხრეთ-ოსეთის			
13. ბორჩალოს	1700	50	400	ავტ. ოლქი	1400	50	400

6. წინადადება მიეცეს საქართველოს სსრ შედგენილობაში შექმავალი ავტონომიური რესპუბლიკებისა და ავტონომიური ოლქის ცენტრალურ აღმასრულებელ კომიტეტებს, ამა დადგენილების 1-ლ მუხლში აღნიშნული საშუალო ნორმების საფუძველზე განსაზღვრონ სახელმწიფოსათვის მატყლის ჩაბარების სხვადასხვაგვარი (დიფერენცირებული) ნორმები ცალკეული რაიონებისათვის; ამისთანავე დაცულ უნდა იქნას ავტონომიური რესპუბლიკებისა და ავტონომიური ოლქის საშუალო ნორმები და უზრუნველყოფილ იქნას სახელმწიფოსათვის მატყლის ჩაბარების შესრულება. ეს ნორმები გამოქვეყნებულ უნდა იქნას არა უგვიანეს 1935 წლის მარტის 15-ისა.

7. დაწესებულ იქნას 1935 წლისათვის მთელ საქართველოს სსრ-ში მეცხვარეობის სასაქონლო ფერმებისა და კოლმეურნეობათა განსაზოგადოებული საქონლისათვის შემდეგი ნორმები (გრამობით თითოეულ სულ საქონელზე): წმინდა მატყლის—4.200 გრ, ნახევრად მქისე გაზაფხულისა და შემოდგომის მატყლის—1.6⁰ გრ. და ნახევრად მქისე ბაჭკის მატყლის—50 გრ.

8. განთავისუფლებულ იქნას საქართველოს სსრ კოლმეურნეობანი მეტიზაციისათვის შემოყვანილი წმინდამატყლოვანი მამალი ცხვრის მატყლის ჩაბარებისაგან.

9. გაზაფხულის და შემოდგომის ცხვრის მატყლისა და თხის მატყლის ჩაბარების რაოდენობა როგორც საკოლმეურნეო სასაქონლო ფერმების და კოლმეურნეობათა განსაზოგადოებული საქონლისათვის, ისე საკოლმეურნეო კომლექ-



ბისა და ერთპიროვნულ საგლეხო მეურნეობათათვის განისაზღვრება ამ ობებში 1935 წლის იანვრის 1-ისათვის არსებული 6 თვეზე მეტი ხნის ცხვრებისა და 1934 წლის თხებისა და ციკნების რაოდენობის მიხედვით.

ბატკნის მატყლის ჩაბარების რაოდენობა საკოლმეურნეო სასაქონლო ფერმებისა და კოლმეურნეობათა განსაზოგადოებული ფარისათვის განისაზღვრება: მქისე მატყლის რაოდენობა—1935 წლის იანვრის 1-ისათვის არსებული დასაბეგრი მქისემატყლოვანი ცხვრების რაოდენობით, მერინოსით დაგრილებული დედაცხვრების გამოკლებით;

ნახევრად მქისე მატყლის რაოდენობა—მერინოსებით დაგრილებული დედაცხვრების რაოდენობით.

ვალდებულებანი ყველა სახის მატყლის ჩაბარების შესახებ მიცემულ უნდა იქნას ერთსა და იმავე დროს.

10. დაევალოს სარაიონო აღმასრულებელ კომიტეტებს და სასოფლო საბჭოებს ჩააბარონ თვითივე კოლმეურნეობას, რომელსაც ჰყავს ცხვრისა და თხის განსაზოგადოებული ფარა, როგორც ფერმად გაფორმებული, ისე გაუფორმებელი, თვითივე საკოლმეურნეო კომლს და ერთპიროვნულ მეურნეობას ცხვრისა, ბატკნისა და თხის მატყლის ჩაბარების ვალდებულებანი: ფერმებსა და კოლმეურნეობებს—არა უგვიანეს 1935 წ. მარტის 25-ისა და სხვა მეურნეობებს—არა უგვიანეს 1935 წ. აპრილის 1-ისა.

11. წინადადება მიეცეს სასოფლო საბჭოებს, სარაიონო აღმასრულებელი კომიტეტების პასუხისმგებლობით, ხოლო ავტონომიურ რესპუბლიკებსა და ავტონომიურ ოლქში—ავტონომიური რესპუბლიკებისა და ავტონომიური ოლქის ცენტრალური აღმასრულებელი კომიტეტების პასუხისმგებლობით, აწარმოონ როგორც ვალდებულებათა ჩაბარების, ისე ყველა საკოლმეურნეო კომლისა და ერთპიროვნული მეურნეობის მიერ ამ ვალდებულებათა შესრულების ზუსტი აღრიცხვა.

12. იმ კოლმეურნეობებს, საკოლმეურნეო კომლებს და ერთპიროვნულ მეურნეობებს, რომელნიც არ შეასრულებენ კანონით დაწესებულ ვადაზე სახელმწიფოსათვის მატყლის ჩაბარების ვალდებულებას, გადახდებათ ფულადი ჯარიმა ვალდებულების შეუსრულებელი ნაწილის საბაზრო ღირებულების რაოდენობით, ამასთანავე ჩასაბარებელი მატყლი მათ ჩამოერთმევათ უდავო წესით.

13. საქონლის ნამდვილი რაოდენობის დამალვისათვის კოლმეურნეობათა ვაგეობის თავმჯდომარეები, კოლმეურნეობათა მესაქონლეობის სასაქონლო ფერმების ვაგეები, კოლმეურნენი და ერთპიროვნული მეურნენი მიცემულ იქნებიან პასუხისგებაში საქართველოს სსრ სისხლის სამართლის კოდექსის 63 მუხლის მიხედვით.

14. კატეგორიულად აეკრძალოს ხელისუფლების ადგილობრივ ორგანოებს და აგრეთვე დამმზადებელ ორგანოებს კოლმეურნეობებისათვის, საკოლმეურნეო კომლებისათვის და ერთპიროვნული მეურნეობებისათვის სახელმწიფოსათვის მატყლის ჩაბარების ვალდებულებების დაკისრება ისეთი რაოდენობით, რაც აღე-

მატება ამა დადგენილების და მის განსავითარებლად ავტონომიური რესპუბლიკებისა და ავტონომიური ოლქების მიერ გამოცემული დადგენილებებით დაწესებულ მატყლის ჩაბარების სარაიონო ნორმებს, ამასთანავე უზრუნველყონ იმ პირებისათვის, რომელნიც თავის დროზე შეასრულებენ სახელმწიფოსათვის მატყლის ჩაბარების ვალდებულებებს, მათი ზედმეტი პროდუქციის სურვილისამებრ განკარგულების სრული შესაძლებლობა.

გაფრთხილებულ იქნას ყველა ადგილობრივი ორგანიზაცია, რომ ის პირები, რომელნიც დამნეშავენი იქნებიან შემხვედრი გეგმების მიცემაში, პასუხს აგებენ სისხლის სამართლის წესით.

15. დაევალოს სასოფლო-სამეურნეო პროდუქტების დამზადებათა კომიტეტის რწმუნებულს საქართველოს სსრ-ში, აცნობოს რაიონებს სსრ კავშირის სახალხო კომისართა საბჭოსთან არსებული სასოფლო-სამეურნეო პროდუქტების დამზადებათა კომიტეტის მიერ დაწესებული კოლმეურნეობათა, საკოლმეურნეო კომლთა და ერთპიროვნულ მეურნეობათა მიერ სახელმწიფოსათვის მატყლის ჩაბარების ვალდებულების შესრულების საკალენდრო ვადები.

16. მატყლის მიღება, ამა დადგენილების წესით, დაევალოს „სოიუზზაგოტშერსტის“ საქართველოს კონტორას და, ამ უკანასკნელთან დადებული ხელშეკრულების საფუძველზე, სამომხმარებლო კოოპერაციას.

17. კონტროლისა და ზედამხედველობის გაწევა ამა დადგენილების პრაქტიკულად განხორციელებისათვის დაეკისროს სსრ კავშირის სახალხო კომისართა საბჭოსთან არსებული სასოფლო-სამეურნეო პროდუქტების დამზადებათა კომიტეტის რწმუნებულს საქართველოს სსრ-ში.

საქ. სსრ ს.კ.ს-ის თავმჯდომარე გ. მგალობლიშვილი.

საქ. სსრ ს.კ.ს-ის საქმეთა მმართველი ა. ქავთარაძე.

1935 წ. მარტის 11. № 316.

ტფილისი.

გამოქვეყნებულია გაზ. „კომუნისტის“ 61 №-ში 1935 წ. მარტის 12.

ფახი 20 კაბ.

გამომცემელი საქ. სსრ ს. კ. ს-ის საქმ. მმართველობა 1935 წ. № 117. პ/მ. რედაქტორი **მ. გამრეკელი**

ქალაქის ფორმატი 62X94 სანტი; 1¹/₈ ბეჭდვ. ფურც.; 1¹/₈ ბეჭდვ. ფურც. 48.500 სტამბ. ნიშანი.

გადაეცა სტამბას 19/III; ხელმოწერილია დასაბეჭდად 5/IV ტირაჟი 1.800

მოთვლ. რწმ. ს.—№ 8731. საქ. სსრ სახ. კომ. საბჭოს სტამბა. შეკვ. № 469